

地 180
39
却 = 049

76587

甘肅全省新通志
卷 陸拾 六

甘肅新通志卷之六十一

慶陽府

南北朝梁牛知業字子英隴西人龍德二年甯州刺史築城池治公署州人至今賴之李明啟有撰柱國牛公新築州城創建公署記周閻慶字仁度河陰人甯州刺史性寬和不苛察百姓悅之

宇文貴齊王憲子建德中出為幽州刺史貴雖出自深宮而留心庶政性聰敏過目輒記遠近服其明察

隋楊宏高祖從弟立為河間王開皇初出拜甯州總管在州治尚清靜甚有恩惠

唐竇懷節為甯州刺史多著政績後陪葬昭陵

劉晏字士安曹州南華人為彭原太守吏民悅服進御史中丞兼京兆尹餘詳大吏

甘肅新通志

卷六十一

職官志

循卓下

一

劉南金德宗朝為甯州刺史有善政

韋澳萬年人貫之子宣宗時以吏部侍郎出為甯州刺史有治績

宋范雍河南人環原州屬羌擾邊以雍為安撫使建言屬羌因罪罰羊者舊輸錢而比年責使出羊羌人頗以為患請如舊輸錢罪輕者以漢法贖金從之

孫繼鄴金陵人知環州修築紅德砦終步軍都虞候

程德元滎澤人知環州徙慶州時西鄙酋豪相繼內附詔以空印敕百道付德元使便宜補授

柳開字仲塗大名人舉進士知環州時調民輦運錢糧民皆蕩析廢業開遺書轉運使卒罷之開自號東郊野夫又號補亡先生有集十五卷行世

傅 求字命之考城人由進士知慶州環之定邊塞蕃官蘇恩以小過疑懼而遁將佐欲致討求謂恩素非攜貳者乘以兵必起邊患但遣裨將開諭禍福恩感泣還寨如初

耿 戡元祐間爲正甯令興學育才善政累累旣去人思慕之爲建碑頌德

錢 卽字中道臨安人徽宗時知慶州築安邊城歸德堡開地萬頃縱耕其中歲得穀數十萬邊儲遂足

金楊仲武字德威保安人先爲環慶路兵馬都監皇統間除知甯州關中薦饑境內盜賊縱橫仲武悉平之改坊州刺史復知甯州

馬 諷字良弼大興郭陰人進士天德初任甯州刺史民有告謀不軌者株連數十百人諷察其無狀告者具伏其誣眾懽呼感泣遷大理少卿

甘肅新通志

卷六十一

職官志 循卓下

一一

盧 庸豐潤人大定二十八年進士任定平縣令治舊堰引涇水溉田民賴其利

元陳 政奉元路人爲慶州同知涖政公勤興廢悉當

王伯華至正間爲慶陽府教授學問淵博動以禮法訓士憂時憫世見於顏色一時雋髦多依附之

李 眞奉元路人爲合水主簿博洽儒雅惠愛及人

明林 善洪武初知甯州多善政元末兵燬六君子堂論故老得其姓名移建祠宇於城隍廟左立碣以誌

陳 淵直隸吳江人洪武中知安化縣持己廉靜施政有方陞九江府同知

何敦善浙江淳安人洪武末以人材調慶陽同知廉平公謹懋治績卓著政聲永樂間秩滿以考最賜衣一襲尋陞江西撫州知府

衡 岳西平人建文時知慶陽府性廉潔常祿外一毫不取
崔 瑛湖廣公安人永樂中任慶州同知勤於吏職百姓悅服
李仕銘徐州人永樂間知慶州創修壇祠驛舍多備無業貧民課
功授食事成而民不擾

王 訥湖廣穀城人由進士永樂間知環縣政平訟理民愛慕之
裴 智宣德間任慶陽知府致政之日士民扶老攜幼涕泣以送
萬 旬正統中知慶陽府爲人長厚坦易政尚簡要而汲引士類
每如不及尋陞山西參政

陳 忠山西清源人正統間知環縣服官清慎賦役均平邑人賴
之

耿 信山東濟甯人由舉人景泰間知慶陽府下車日條立規程
吏民胥服後致政歸

甘肅新通志

卷六十一

職官志 循卓下

三

耿 鑑山東人景泰間知安化縣爲政平易近民民愛慕之如依
父母

王 嵩山西清源人景泰末知正甯縣政務廉平民悅之而吏不
敢犯

張 翔山東蓬萊人天順中知慶陽府慈儉牧民不尙煩苛咸感
戴之興學造士人文賴以不衰

李 著山東濮州人天順間任慶陽同知練達政務公恕廉明慶
民德之尋陞平涼府知府

劉 謙山東濟甯人天順中知甯州聽察警敏法尙嚴肅人不敢
犯間有刁悍不馴者多畏威而潛改

馬 傑山東利津人成化時知慶陽府尙禮讓惜人材折獄洞察
隱微民無冤滯招集遠方商賈財貨駢集郡稱庶富

張 綸山西平定州人知慶陽府廉介嚴肅人不敢干以私積年宿弊釐革殆盡郡有旱澇輒隨禱而應其他善政不可枚舉

王 貴直隸永平人知慶陽府莊以涖民剔弊除奸所屬強梗豪右無敢負適者

周 茂直隸盧龍人知慶陽府廉明果毅卓有異政每以氣節自負宏獎風流士民戴之

李 萼四川安岳人成化中管糧通判尋陞同知通曉事變洞徹民隱以余司馬薦陞山西僉事

閻定之山西平定人由舉人知甯州材略優長幹濟克舉濬修城池屹成保障州人賴之

陳 琦山西清源人成化間知安化縣教養勤勞事咸自理吏胥無所售其奸皆嚴憚之

甘肅新通志 卷六十一

職官志 循卓下

四

張 綱河南鞏縣人知安化縣邑頗荒遠有事常苦鉤攝且附郭軍民雜居綱以理法教民申明賞罰追呼不事賦役全清後以憂去

吳 忠山西稷山人知安化縣政務清簡尤不喜以民財市恩沾譽民咸樂之

李 賓順天大興人由舉人知環縣居職清慎遇事有為綜理疲邑煥然一新縣中軍民雜處無不畏服者歷政十一年陞河間府知府

呂 質直隸人宏治初年任管糧通判簡靜廉明不立崖岸時有倉曹貧甚將鬻女以歸贖遺之倉曹感泣人傳頌其德

黃 傑河南鄧州人宏治間知慶陽府內恕而外肅民無鬻法尋陞本省參政

劉 昂山東高唐人知慶陽府政存大體不屑委瑣胥吏皆守公奉法無作奸犯科者

馬 歲山東武定人知慶陽府時北彝犯邊饗運孔急民皆苦之力請當道減其半民困賴以紓

張 鏞直隸定州人由進士宏治間以休甯知縣陞慶陽同知佐郡撫民明決無滯以憂去慶人懷之

袁 弼山東章邱人由進士宏治間任甯州同知博學能文修學宮正祭器率身親其事

楊 寬直隸涿州人由舉人任管糧通判廉介自持禁革倉廩積弊且以糧芻積羨補民間逋負由是民力寬紓而軍儲不乏

杜 忠河南盧氏人宏治間知甯州巡行阡陌勸農課桑歷久弗懈有古人遺愛風

甘肅新通志

卷六十一

職官志 循卓下

五

張 悌山西岢嵐州人宏治間知甯州愛民恤財清慎自矢學校公署多所修建任滿民涕泣留之

張文煥山東濱州人由舉人知正甯縣仁愛節儉以支應舊費無經通計戶口立均平法由是累民之改革除殆盡民力漸豐裕矣

王 佐山西陽曲人由舉人知合水縣撫字勤勞吏民畏服歷官八年惠愛日隆以致仕去士民感慕

劉曰文四川簡州人由舉人知正甯縣輕徭減賦興利除害民甚德之後陞本府通判

張天相山西陽曲人由進士正德間知慶陽府優於文學不炫才華政尚寬簡古之循良莫能過也民親愛之至今弗忘

王顯高四川綿州人由進士知慶陽府狷介自持言笑不苟初至郡事咸問吏輒首肯吏謂無能爲率犯不韙顯高已早察之踰三

月因事斥之法度漸嚴吏相戒不敢爲非焉其學術宏通才名震世而外則純謹日與諸生講解人始知其淹博

賈 運直隸束鹿人由進士知慶陽府性卞急心慈惠有過旋悔不俟終日治民無苛政

馬 龠四川南充人由進士正德閒知慶陽府宿學碩望雅度偉容以循良稱

趙 瀚湖廣石首人由舉人任慶陽府通判學有本源志希古哲未嘗求名而上孚下愛得力於經術爲多

張 達山西絳州人由舉人知甯州威信明決人皆感之無撓法者舊時民多艱於輸納屢責督責連惟恐竭民財教之儉己急公反復曉諭民奉其言終其任無一逋欠後以事罷去

社 介山西人由舉人知安化縣清勤撫字不遺餘力性坦率不

甘肅新通志

卷六十一

職官志

循卓下

六

喜馳譽亦未嘗以己事費民一錢時咸稱良吏焉

王 朝山西隰州人知合水縣舊志謂其清廉正直民有去思碑以誌德政

季安之四川嘉定人由進士知合水縣境僻民樸不怒而威凡勸學興農懲奸扶善諸事措置裕如

尹 承府軍前衛人由舉人知環縣器宇軒昂政體嚴肅尤以清介自持氣節自負而令出惟行吏卒畏服且善教民開墾財用饒裕以積勞卒於官人頌其德政不置

王 鑑直隸霸州人由舉人正德十六年知環縣膽量過人才智有餘是以治事應變無不快愜人心至益人損己之事欣然爲之不恤

李 泰河南桐柏人知正甯縣樸實精勤言不妄發當道勞獎以

任滿去

張 鏜山東濱州人正德間知正甯縣清廉能幹人心景服

蕭 海直隸江都人嘉靖初知慶陽府少負文名和易好士初起家刑部律法精明獄具兩造數言判決洞若觀火

李本立山西崞縣人由舉人嘉靖初任慶陽通判才具通敏念切愛民事雖繁劇而從容措置無不迎刃而解後陞知景州

王 暘河南懷慶人由進士嘉靖初知甯州才雄識敏守介法嚴甯州大治

丁 繼山西嵐縣人嘉靖七年知環縣邑小而劇且近邊庭繼爲治不事煩苛平易簡靜民甚便焉

李文芝山東東平人由進士嘉靖十五年知慶陽府持己廉平遇物公恕尤崇重士類時 文廟頽圯卽捐俸修治兼備器用造士

甘肅新通志

卷六十一

職官志 循卓下

七

良多

何 岩河南扶溝人由進士嘉靖十九年知慶陽府爲人樸實長厚循天理內外一致復優於聽斷案無留牘

賈 曉河南臨潁人由舉人嘉靖二十八年知甯州少出名家人聞有識守法雖嚴而心實慈惠是以剖決無疑獄訟稱平

汪 來直隸天津人由進士嘉靖三十年知慶陽府政務大體不拘小節事遇紛劇談笑剖決若無難者尤注意邊事所著有北地紀四卷

梁明翰山西孝義人由進士嘉靖三十四年知慶陽府治績報最劉 昇爲管糧通判性坦易無僞蒞任數年治民不加筆楚民亦不忍欺輸納爭先反過於昔

韓 弼山西人賦性剛嫉惡尤甚初判濟甯務恤窮黎不避權貴

治慶亦然

趙 璠河南人執法不撓決獄不滯時因治軍檄委屬縣經理邊饗刻期而辦當道嘉之

蕭大華爲慶陽府推官性情寬和言論敏捷治民愷悌慈良聽斷不事苛察人多感之尋陞苑馬寺丞

楊 澤山西絳州人由舉人知甯州剛毅果斷尤善知人器使咸當人樂爲用

劉寓春湖廣石首人由舉人知甯州清謹平易有溫恭愷悌之德去之日民泣送留寫以比甘棠焉

顧 漢字子涵山西大同人由舉人知甯州在任十年多惠政州人立生祠於西門內今廢碑存

曹永年江南太平人由舉人知甯州廉謹之聲傳諸遠邇考績入

甘肅新通志

卷六十一

職官志 循卓下

八

都賜宴天下清官永年與焉

周 澤四川閬中縣人由舉人知合水縣恩威並著民懷吏畏劉尙志山西汾州人由舉人知合水縣地僻事簡從容坐理且性復靜厚民賴以安蒞任五年政簡刑清後陞平涼府同知

褚 實直隸鳳陽人由兵部郎中坐事降謫環邑履任後猶諄諄然以忠厚勸民表率士類居環五越月引疾歸

馬存仁直隸涿州人由舉人知正甯縣持己清介爲政寬平解組後民思慕不忘

張國政山東濰縣人由舉人嘉靖間知正甯縣守己廉潔政務簡靜士服其教民感其德

王 政四川新甯人知甯州精敏絕倫催科居最後官至參政楊 濂山西聞喜人知甯州立心長厚不事苛刻興利除害節用

愛民不避嫌怨

喬雲鳳山西平陸人由舉人知甯州廉隅自飭纖毫無染重築朝天門日課士子手自批閱每至通宵未幾遷調接浙而行去之日士民無少長皆哭祖於道

嚴思恭雲南人萬曆二十四年知慶陽府修葺內外城垣蒞政廉平尋陞副使

史東昌山西蔚州人由進士萬曆四十年知慶陽府時無爲教作亂勢甚熾東昌以計襲之卒平匪亂民賴以安

賈 羅山西吉州人由舉人萬曆開知環縣居官清謹博學能文敦崇學校留心民瘼決訟如止水事無冤抑士民感之

楊州雁貴州人由舉人萬曆開知環縣仁愛牧民立身勤儉蒞任九年不貪榮利尋予告致仕歸邑人深慕

甘肅新通志

卷六十一

職官志 循卓下

九

宋雲霄山東淄川人天啟七年任慶陽府同知秉性清簡居官明恕時夫役鋪兵俱派民戶人多蕩產雲霄署縣篆一切革去乃措設工食招募應役民受其賜

馬一荀雲南建水人由舉人崇禎四年任府同知秉性忠厚用刑惟寬及流寇圍城晝夜戒嚴每事必咨於民上下一心賴以安全趙三極河南永甯人舉鄉試第一崇禎五年知慶陽府愛民如子政簡刑清尋以母憂歸里士庶空城泣送時流寇猖獗三極哭守喪次賊義之戒弗掠其家

韓友范山西岢嵐人由舉人崇禎十三年知慶陽府時慶郡歲大荒友范竭忱賑恤又設粥廠以飯災黎全活甚眾尋陞神水兵備副使

周日強直隸蠡縣人由舉人知甯州時合水爲賊所陷州城危在

旦夕聞督師楊鶴赴省已次永壽日強草書日三上告急督師返
旌駐甯州民慶更生鶴喜日強經畫有方特疏題擢分守河西道
唐萬齡直隸贛榆人由貢生知甯州簡民間壯者爲遊兵城上設
八陣立哨弁以董其事習技擊防守之法後八年賊西圍如蟻卒
能固守皆設遊兵之力

崔應龍山西徐溝人由恩貢知甯州出資購鐵運炭督鑄大礮槍
彈民指爲迂後五年賊薄州城賴以礮火退之始服其識慮過人
至今民樂道之

靳聖居長垣人崇禎末爲慶陽府推官時已授刑部主事未行賊
圍城佐段復興死守城陷被執罵不絕口死

國朝楊問奇直隸人由舉人順治三年知慶陽府締造甫定急需休養
問奇不滋一事不冤一民捐俸創建府治規模宏敞民効子來

甘肅新通志

卷六十一

職官志 循卓下

十

康而色濬縣人由拔貢順治三年任慶陽同知外著迂鈍內實精
明執法最爲平允故蒞任五年民無冤抑

李日芳河南杞縣人由舉人順治四年知慶陽府郡經兵燹後教
養久缺日芳延禮耆碩常以粟帛周之見童稚則諭其父兄勿令
失教因立社學四具膏火人比之文翁化蜀

陳衷一河南南陽人由進士順治十年知慶陽府讀書博物秉性
廉靜率屬坦恕民受其賜

閻允穀江南巢縣人由進士順治十年任慶陽同知摘奸發伏羣
驚爲神性嗜學簿書之暇吟詠不絕後以事罷去就道之日士庶
攀轅哭聲震地

王馨穀直隸新城人由進士順治十四年任府同知修復郡城屢
捐清俸常以水利導民咸樂其利而懷其德

程萬仞遼東錦州人由副貢順治十七年知慶陽府英俊多才嗜學不倦善鼓琴清懷四知治民恩威並著捐俸重建學宮扶持名教有古循良風

傅宏烈字竹君江西進賢人由舉人康熙二十年來守慶陽招集流氓撫綏凋瘵罄家貲代償民欠而正供猶重因越例上疏 奏請豁除凡五上乃得請減額一萬六千有奇郡人德之建生祠塑像以祀至今報賽不絕後官至減轡靖寇大將軍兼廣西巡撫白爲章奉天鐵嶺衛鑲白旗人由南昌府同知康熙二十年陞知慶陽府裁陋規減供億修學校平賦稅其善政不能殫舉郡人至今誦之

李甲聲江南潁州人寄籍河南由拔貢歷仕至廣東惠州府知府尋以事奪職康熙二十七年除授慶陽府涖任夕夢緋袍神曰幸

甘肅新通志

卷六十一

職官志

循卓下

十一

將醉漢遠遣毋再污我次日謁廟見周祖不啻像適符所夢因改遷諸行神於他所捐俸修整圖二十六王於壁至今以時粉飾之金垣生正白旗人由湖廣安陸府同知康熙五十一年陞任慶陽府振興文教卽捐俸首建義學延宿儒以訓之士風丕變

李 桐山東大嵩衛人由庶吉士除外調任慶陽府嚴毅方正治績有聲涖任三月改知平涼府

楊纘緒廣東澄海人由庶吉士改吏部郎中除浙江道監察御史乾隆二年授慶陽府以郡人久不登第審地形勢開正南門以迎迓文明復建樓於城上以壯觀瞻由是科第蟬聯士皆奮勉實深有禱於風教

時鈞轍江蘇嘉定人由庶吉士歷陞河南道監察御史乾隆十三年補授慶陽府造士惠民清廉果斷

和 英滿洲正白旗人官慶陽知府同治二年逆回圍平涼總督
熙齡方治兵慶陽檄和英同遊擊任治國帶兵馳救而以署涇州
都司某爲後繼沿途破賊寨剪零匪節節盪平四月二十二日抵
古城堡距平涼四十里賊掩至英激勵將士先後十餘戰殺賊無
算賊怒愈蟻集涇州兵先遁賊衝入壘英躍馬持刀格殺數十賊
力竭死之治國果敢善戰與波羅營參將阿章阿前欽天監博士
宗庠皆歿於陣事 聞優卹 敕殉難地方建專祠治國阿章阿
宗庠並附祀

鍾 瑛字華圃蒙古正藍旗人同治五年補慶陽知府會西甯漢
回構衅大府檄瑛往相機和解至湟曉以大義漢民受約束回賊
陽奉陰違瑛飛稟陳狀大府飭瑛還七月二十九日瑛行至漫水
灘之花豹嘴賊數百騎追執瑛脅之瑛憤罵目皆盡裂賊叢刺死

甘肅新通志

卷六十一

職官志 循卓下

十三

隨員貞慶沈家瑛及僕從數名同遇害事 聞優卹如例

張 星河南祥符人以監紀廳署理安化縣事創建公堂造養士
子催科有法撫字得民

葉紹麟廣東博羅人由舉人康熙五十四年知安化縣律已清廉
遇事敏決修祠宇建義學蒞治數年多善政

王 鎬浙江會稽人雍正十一年知安化縣性警敏執法平民不
敢以私犯凡士民一接於目卽能記其姓名人以此咸憚之以治
最聞

孫良貴字鄰初湖南善化人由進士教授乾隆十二年陞知安化
縣學問淹博夙擅名譽蒞任十數載民無逋欠性復平恕無苛政
常因亢旱徒步虔禱甘雨立沛民咸戴之

李遇春任安化縣典史同治七年二月內慶陽守支昭辰因公出

郡未幾安化令郭維藩隨之去時遇春雖無代理明文而典守府縣兩篆突於三月初陝回賊大股圍攻府城乃會營汛弁兵督民勇晝夜固守十三日夜城陷遇春與妻某氏同縊於署守備彭玉永昌營千總陳鳳鳴團練張景賢均戰歿

王均秦安人由歲貢選安化縣訓導同治七年三月初逆回圍城均偕官弁兵民登陴巡守糧盡外援不至十三日城陷均率士民巷戰力竭死之事聞優卹如例

潘遠曜字芝泉湖南湘鄉人光緒二十六年署理安化縣事敏斷剛方廉惠爲心適值歲荒民情洶洶遂開倉大賑邑賴以安時拳匪逃竄慶境繕團兵以防竊發是歲夏邑屬西峰鎮帥荏榜等謀不軌乃立捕首惡數人置於法得無亂其鏹懲奸猾平反庶獄興利除害不一而足去任日士民攀轅祖道設瓶鏡以頌清明惟廉

甘肅新通志

卷六十一

職官志 循卓下

三

無還省費行至省東響水驛質馬刀爲早炊焉及卒民哀慕之迎衣冠葬於治遠曜初權平羅縣篆甫二月廉疑獄四十餘案博明允稱及參省讞局有爲情投書者毀書責使謝之其剛正類如此龔 蓀江西南昌人由進士康熙初年授知合水縣蒞任一載卽致仕歸將去之日條具時政申請上憲民感其德爲立生祠以祀劉允桂山東壽光人由進士康熙二年知合水縣時知府傅宏烈疏請減除安化合水甯州三屬正賦因請力肩其事務使窮黎得沾實惠會以憂去民立去思碑

李廷樞奉天定海人康熙十五年知合水縣性寬仁和煦年少有練達才人有誤罹於法者輒宥之士民依之如怙恃後陞知澧州去之日民攀轅流涕

樊琳山西澤州人由舉人康熙二十五年銓知合水縣性清介

飲冰茹檠杜絕苞苴人亦無以暮夜干者衙舍傾圮卽令童僕修葺之其不忍役民如此

黃策麟福建永定人由舉人康熙五十二年知合水縣平易近人與民相見不自知其爲官民亦自忘其爲民官民之相得如此後卒於任二子扶柩歸里祭於道路者傾動鄉城咸號泣曰亡吾慈父母矣

舒鴻儒湖北光化人由拔貢乾隆九年知合水縣居心慈良蒞民以信後調甯朔縣邑之餼送者違違如失所恃

曾希孔順天宛平人由舉人乾隆十六年知合水縣在任九年官民相習立碑以頌德政去之日民留舄以誌愛慕

劉然亮湖南醴陵人由舉人同治十年知合水縣事招集流民辦理善後清丈地畝勸墾荒田興利除弊發糧散種多方撫恤民皆

甘肅新通志

卷六十一

職官志 循卓下

古

感之

滑 崙字鍾玉直隸內邱人順治三年知環縣時兵荒之後城市爲墟僅有子遺民數十家棲止於南城戍樓崙招集流亡編排戶口簽民之有勇知義者權宜授之防守枕戈城頭櫛風沐雨四閱寒暑艱苦備至於是田野闢學校興年穀順成頌聲四作人勒石以紀其事

金先聲字五鐘湖北江陵人由進士順治十四年任環縣學問淵雅尤工於詩蒞任日慨然以富教爲己任有所經畫每借吟詠以見志其喻衆人口者有云龔遂海濱皆赤子仲升塞外亦男兒可以見其梗概康熙初遷河南汝州民咸頌之

羅 斌字二允江南人康熙十六年知環縣時逆弁鄧向日圖謀不軌因有宿憾以兵脅至團堡山百計窘辱斌矢志不屈遂被害

楊 煒字錫彤山西沁水人由舉人知環縣留心幹濟深得民情裁革陋規二千餘兩清廉自礪不名一錢邑人立長生位於書院以頌揚其德在任十年調莊浪去

王士麟遼東遼陽人順治十三年知正甯縣捐俸修學構倉庫革火耗清畝稅訟無冤民陞河南陳州知州

彭 覺江蘇溧陽人署正甯縣典史廉隅自持雖官卑地瘠晏如也奉母孝供甘旨不令知其困乏同治六年十月賊擾縣境之山河鎮縣令黃某出勦覺與訓導李逢峰率眾登陴守賊至屢卻之初六日夜賊乘守者疲潛襲登城覺督眾格拒殺賊甚多俄逢峰中槍死團勇潰覺歎曰吾生不能滅賊死必爲厲鬼以殄之趨歸署與母同赴井死覺妻王氏或云狄氏或云伏氏及二女一子皆入井以殉事 聞並旌卹如例

甘肅新通志

卷六十一

職官志 循卓下

五

程維新陝西富平人順治二年知甯州下車勘荒爲民請命豁賦三分之一築堡於城內東山不擾民力

趙鳴喬山東東平人由舉人順治五年知甯州值賀賊亂後城社爲墟鳴喬重建倉庾公署狄梁公廟凡一木一瓦悉捐貲購買創立義學延師訓迪民間子弟蒞政七載卒於官

韓 魏號海湄山東膠州人由進士順治十一年知甯州喜怒不形從未厲聲於堂上造營舍以憩兵返河流於旣決皆不擾民間一粒人皆德之

丁 棟福建晉江人由拔貢康熙八年知甯州憫甯賦偏重民不聊生力爲請命浮糧得以蠲免州民德之

晉顯卿字次公遼東人康熙二十六年由知縣陞知甯州痛革積弊嚴絕私派冰槩自矢一塵不染實心實政愛民如子爲州牧中

所僅見者循聲善政甯民比之劉綱馬彥卿焉

甘肅新通志

卷六十一

職官志 循卓下

六

甯夏府

隋賀若誼洛陽人周閔帝時爲靈州刺史有能名開皇中突厥屢爲邊患以誼素有威望再爲刺史甚爲北地所憚

唐崔知溫字禮仁許州鄆陵人麟德中爲靈州司馬境有渾斛薩部落萬餘帳數擾齊民農皆釋耒習騎射以扞賊知溫表徙河北疏十五上始得請自是人得就耕渾斛薩至徙地顧善水草亦忘遷後入朝過州謝曰初徙且怨公今地膏腴衆孽夥深荷公恩皆再拜

李景略幽州良鄉人大厯末爲朔方節度使幕官五原將張光殺其妻以贖市獄久不能決景略覈實論殺之旣而有若女厲者進謝庭中如光妻云

宋段思恭澤州晉城人初知泗州乾德中代馮繼業知靈州思恭下

甘肅新通志

卷六十一

職官志 循卓下

七

車矯繼業之失撫綏夷落訪求民病悉條奏免之

安守忠字信臣并州晉陽人太平興國初知靈州繼徙夏州在官七年每西戎犯邊戰無不捷錄功拜濮州團練使

侯贊并州太原人太平興國七年知靈州按視蕃落宴犒以時得邊士心部內大治在朔方十餘年上念久次求可代者而難其人卒贈本衛上將軍

尹憲并州晉陽人雍熙初知夏州攻破李繼遷之衆於地斤澤繼遷逡走俘獲四百餘帳

侯延廣汾州平遙人淳化初知靈州部下嚴整戎人悅服李繼遷擾夏臺朝命李繼隆討之以延廣護其軍至道間繼遷寇靈州復以延廣知州事兼兵馬都部署領兵數十騎至鎮戎人素服其威名皆相率引避

慕容德豐字日新太原人淳化中知靈州值穀價踴貴民食維艱德豐出粟賑饑民全活甚眾轉引進使賊入境德豐率兵擊走之獲牛馬無算

曹府志燦作璨字韜光真定靈壽人彬之子至道初知靈州徙河西

鈐轄契丹入寇屢戰有功善撫士卒威愛兼著

裴濟字仲溥絳州聞喜人咸平中趙保吉叛以濟知靈州兼都部署謀輯八鎮與屯田之利民甚賴之其年清遠軍陷保吉大集番部來攻刳饜道孤軍無援求救急兵不至城陷濟死之

明蔡國熙永平人嘉靖時任甯夏督儲郎中覃精理學有藻鑑善作人創朔方書院聚生徒日談名理蓋燕趙之豪也督儲時振刷積弊兵食頓足

王牧山東恩縣舉人萬曆七年任甯夏西路通判遇事有爲招

甘肅新通志

卷六十一

職官志 循卓下

六

納義勇始議磚甃城後陞温州府

王道獻縣舉人萬曆十一年任甯夏西路通判督完城工築堡開荒剔除奸弊片言折獄陞本府理刑同知

王惠民山西蔚州舉人萬曆三十一年任甯夏西路同知有吏才加陞同知自此始

王三錫翼城人萬曆三十五年任甯夏理刑同知案無留牘尤加意水利請於巡撫崔景榮石甃張政堡暗洞

田舜年淮南府選貢崇禎十三年任甯夏西路同知理事果斷

國朝費楷浙江人乾隆元年任甯夏水利同知清勤自矢疏濬有方每開水輒令盡數開放水手或以隄決爲言楷曰有我在毋爾責後隄口偶有衝決楷必單騎馳往以大車載錢至決所丁夫物料悉給現值百姓聞命奔赴輪委立集三數日決口卽塞常語人曰

畏隄決而減放水是因噎而廢食也一方衝決動令民間派夫採料往返遷延比及興工決口大而需費益鉅是掘井以濟渴也論者以爲治水要言楛在任數年渠流疏通事立辦而民不擾尋告終養去任郡民爭請建碑以頌其德

顧光旭字晴沙江蘇金匱進士乾隆三十三年由給事中授甯夏知府蒞政寬簡紀綱自肅加意文教舉歷任所積書院學租羨銀二千餘金重修文廟拓書院舊址悉撤而新之增建書樓學舍百餘楹籌畫周詳尅期工竣留心河渠諸務捐除行戶供支興利剔弊知無不爲尋調平涼知府去之日士民工商勒碑以紀遺愛高拱宸浙江虞生修書議敘授甯夏府經歷工書翰尙氣節不以位卑稍有阿曲上下高其品望任事亦有能名

甘肅新通志

卷六十一

職官志 循卓下

五

單騎臨渠親勘灌澆興利除害弊絕風清甯郡稍田均霑惠澤洵古遺愛也

明 昆蒙古正藍旗人由理藩院員外郎授甘肅甯夏府知府咸豐三年履任同治二年四月明昆以疾卸篆仍留甯辦團務十月二十四夜賊陷郡城明昆督勇巷戰中矛死母松佳氏弟婦克什克滕氏及僕李秀張祿盧祥郭順才兒賞兒喜兒長兒並僕婦樊氏等皆殉焉事 聞得 旨明昆照道員陣亡例優卹餘 旌卹如例

李宗賓湖北蘄州人同治光緒年間兩任甯夏知府嘉惠士林政不病民民德之

李 藻湖南人同治九年署甯夏知府蒞任一載籌款建修試院士林頌德

謝大舒江西人同治十二年署甯夏知府創設書院振興學校慨念民艱勞心治水至今口碑載道焉

張家槐湖南善化進士光緒二年任甯夏知府經營四渠栽培多士虛堂懸鏡政得民心

海容滿洲正黃旗副貢光緒六年任甯夏知府爲政以養士爲先學校至今稱道

黃自元湖南安化進士光緒十六年以翰林出知甯夏府孜孜求治於水利尤所留心籌款修補唐鐸等暗洞使積水有所宣洩民利賴焉且喜培植士類捐置書籍百餘種於書院故子矜咸知嚮學惜未竟設施遽以憂去輿論惜之

劉至順字讓木江蘇上海舉人光緒十三年署甯夏知縣勤慎爲治教澤涵濡士民至今稱之

甘肅新通志

卷六十一

職官志 循卓下

三

吳樹德陝西城固人以進士知甯朔縣除莠安良囹圄空虛政治輿情萬民思慕至今不忘

曾力行字近仁河南固始人乾隆庚寅鄉試第一明年成進士以內閣中書改官甘肅平羅縣興利除弊凡河崩沙壓之地悉詳除其賦有不便於民者盡革去之案無留牘四境之內頌神君焉陞署秦州牧政聲益著以道遠難於迎養甫一年謝病歸

徐保宇浙江人爲平羅縣令值地震被災之餘戶口凋零士民稀少保宇招集流亡給籽種立學校捐義穀修衙署集文獻數年之間百廢俱舉

長謙字益齋滿洲鑲藍旗人宰平羅有政聲同治元年同逆謀變長謙親率團勇赴頭關堵禦兵單賊眾退守城甚嚴日夜巡防不遑寢食常以張巡守睢陽故事激勸士民二年之久賊百計環

攻終不得入城中數萬生靈賴以保全

梁國棟號小塘四川巴州人官主簿署平羅石嘴山主簿同治五年二月奉檄赴西路羅軍糧途次平番屬之紅城子突遇賊偵知國棟係督運者揚言曰速出銀貸爾死國棟大罵曰銀以饋軍豈飽賊耶發洋槍轟擊賊環刺之死

張維清陝西華州人以從九署靈州吏目同治二年十月解任未及行適同賊蟻附登城維清聞城陷泣告母曰城破身殉分也母年老奈何母曰兒爲忠臣吾獨不能爲忠臣母乎顧張氏宗祀不可斬天如錫福延先人一綫之祀吾目瞑矣隨呼僕攜維清子匿他所維清冠帶端坐以待俄賊入維清持戟大罵賊殺之其母及其妻同遇害僕與子竟得免同時不屈而死者新任吏目孫兆麟前知州和塞布之子玉琨也事 聞優卹如例

甘肅新通志

卷六十一

職官志 循卓下

三

劉 湛號潤堂直隸通州人同治二年署靈州牧時甯靈道梗湛念城守任重慷慨就道八月十二日途次中衛之分水嶺遇回匪數百持械握槍殺聲騰沸湛停輿督其僕房吉堂等盡力抵拒賊集益眾湛中矛傷二十餘處死房吉堂亦受傷死子廷棟官典史以死狀呈 卹如例

王鎮墉字協亭湖南湘鄉人同治十二年知靈州事秉性仁慈與民同好惡邑之水利厥惟秦渠當大難甫平秦渠敗壞已極鎮墉親詣工所率作興事晝巡工次夜宿柴棚月餘之久勞瘁弗辭又於秦壩關舊址建立秦渠公所俾每歲興工得有棲止百姓稱便維時總督左宗棠以靈州漢回雜處易啟弊端爲慮分別安插命鎮墉辦理善後悉協機宜爲之親書廉勤節愛四字匾額以褒美之及去任至今州人追論尙有流涕者其得民心如此

孫承弼字玉田漢軍正白旗人光緒二年知靈州事爲政以興利除弊重士親賢爲務邑舊有魁文書院兵燹以後焚燬無存承弼蒞任議購朱姓舊宅經營締造更名靈文書院以爲培植人才之地是年秦晉苦旱饑民多聚此就食承弼捐廉籌賑居以棲流所按日給粥餅並施棉衣賴以全活者甚眾州境蝗將爲災民情驚懼承弼躬率紳民極力撲捕復齋戒沐浴徒步虔禱已而蝗蟲自去禾稼無傷人咸異之嗣以被讒解任去之日紳民紛紛拜送並製急公好義匾額以誌其感越數年承弼復任益求治理乃以盡心民瘼精力過勞旋卒於官

廖葆泰字寅階雲南石屏人光緒乙未河湟回亂葆泰由狄道吏目奉檄募葆字馬隊勦賊有功海保授知靈州二十九年蒞任時黃河陡漲秦渠自峽口至減水閘三十餘里一片汪洋沿隄冲壞

甘肅新通志

卷六十一

職官志 循卓下

三

葆泰焦思萬狀乃先作秋工饒灌冬水爲來年播種地步旋集紳民議作明年春工又慮工鉅費繁民力艱難先向提督董福祥假銀萬兩採辦工料屆期興工葆泰茅茨工所躬親督率櫛風沐雨備極勤勞是役也攤派民間料錢二萬餘緡民夫三千有奇柴數十萬束月餘竣事民賴以安其平日善政綦多此尤其最著者晚年猶喜武事持槍命中十不失一好馳馬顧盼自雄日時事多艱聊習此以待上之驅策耳乙巳冬以疾辭去旋調署河州尋復回任戊申正月竟以積勞卒於官

周浩字溶生浙江會稽人同治五年署理花馬池州同時值軍務倥偬浩勸富戶捐貲辦理城防率民日夜巡守備極勤勞八年二月陝回乘夜攻城浩率紳民合晉直兩營劄兵盡力奮擊傷賊甚眾天明圍解明年四月陝回陳阿洪率賊三千餘撲城浩與卓

勝軍綏殿臣迎擊之賊退去是城兩次保全者皆浩之力也未幾以勞績病卒人咸惜之浩居官清廉身後蕭條幸賴甯郡同僚賻助始得輿櫬旋里紳民至今感頌

劉追儉涇陽舉人康熙四十六年任中衛教諭修學創志傅樹崇河南登封進士雍正七年任中衛知縣明幹有爲革衛所陋弊立縣治規模尋調武威陞柳林通判西路同知

黃恩錫雲南永北廳進士乾隆二十一年知中衛縣修理文廟編輯志乘勸學重農安良除暴

封景岷咸豐元年知中衛縣邑舊有書院地址湫隘景岷至乃創建於邑文昌宮之西規模大備人文於此蔚然可觀焉

冒沂江蘇人同治七年知中衛縣時防兵內訌焚燬衙署沂倉猝應變坐鎮從容不旋踵而禍熄隨卽補葺內外一如舊制

甘肅新通志

卷六十一

職官志 循卓下

三

伊星阿鑲黃旗舉人乾隆時任甯夏西路同知以出口辦糧有功特陞知府

趙興雋字鳳岡湖南湘鄉人同治十一年金積回匪甯平總督左宗棠奏設甯靈同知興雋奉檄攝篆二年毅然以草創爲已任理煩劇弭盜患恩威並濟漢回相安遺愛在民稱其惠媿東里云喻光容字仙橋湖南甯鄉人甯靈廳以漢渠爲命脈每歲春由民間自備夫料派石工夫千名以修沿河之迎水湃沙工夫千名以去俞家營之淤積民甚苦之光緒四年光容攝廳事躬履勘驗審地形分水勢濬源暢流自是俞家營無淤滯之患遂罷沙工千名民感其德至今不忘

方仰歐字紹修廣東普甯人光緒二十三年知甯靈廳事慨然以清吏弊蘇民困爲念向例民間輸納糧草積弊相沿民甚苦之仰

歐察知其情責革斗級明定規則零糧湊斛草有定劬泐碑以垂久遠百姓稱便

洪翼字翰騫湖南甯鄉人光緒中重攝甯靈廳事慨文廟之未建置寄祀書院者垂二十餘年非所以崇祀典也於是請之大府商之紳耆籌集鉅款鳩工庀材度地城之東南隅經營締構規模如例越一載而告成先是金積甫平創設今治城垣卽因土堡規制簡陋庚子冬適有秦晉難民逃集於此翼遂稟請由紳商岳廷獻毛大昌等捐集千餘金爲以工代賑一舉兩善之計而東西兩門之甕城月城自是修築完備至今賴之

西甯府

晉竇 允始平人武帝時除浩亶長勤於為政勸課田蠶平均調役百姓賴之

隋楊 達高祖族子開皇中為鄯州刺史有能名

慕容三藏燕人幼聰敏多武略開皇十二年授廓州刺史州極西界與土谷渾接犯法者皆遷配彼州流人多有逃逸及三藏至招納撫綏百姓愛悅襁負日至吏民歌頌之帝聞其能屢有勞問

宋蔡仲回字子厚山東濟南人早舉孝廉官至通史外郎景祐初趙元昊叛仲回奉命泣湟州會吐蕃討西夏值湟中大饑即移饟賑民三年羌匪擾亂城陷遂以身殉郡民感德立祠祀之水旱疾疫禱之輒應後人因稱湟郡福神云

明郭志學山西澤州人由貢士隆慶二年以鞏昌府通判監收西甯

甘肅新通志

卷六十一

職官志 循卓下

五

倉儲性剛正人不敢干以私且有才略徵斂不擾出納惟明所司軍饟令軍人自於倉前照數兌發無毫髮侵削自甘淡泊人以為難

柏 果山西太原人由吏員隆慶三年任西甯衛經歷敦龐質直不事外飾尤復明察善斷庭無留事獄無冤民闔境畏而愛之

龍 膺湖廣武陵人由進士萬曆間任監收通判嗣遷同知殫心吏治興社學修衛志與屯兵通判高第議築諸邊三十二年西南兩川之捷膺飛輓軍儲協謀克敵兵部尚書石星疏云龍膺本雍容冠玉之才負叱咤摧山之氣臨陣不辭鋒鏑揮戈足掃穹廬人以為實錄後遷西甯監司

高 第萬曆間任西甯屯兵通判西南兩川之捷第與龍膺協心齊力輓運芻糧誠懇謙和頗資其益嗣夷退諸番漸復兵備副使

劉敏寬請修城樓屯堡邊寨厥工甚巨委第巡督悉心經營郡民賴之

國朝梁景岱陝西三原人康熙二十二年任西甯衛學教授修葺西甯碾伯泮宮振興學校施教有方察諸生之可教者教之敢後者撻之以故文風丕振士習亦端有功於學校甚大

傅以箕號紫雲浙江會稽縣人康熙二十九年任西甯衛掌印守備釐陋弊均徭役征收芻餼體察民隱不溢升勺尺寸聽訟明決無立候者西甯胥役向悍惡民畏句攝有冤多不敢訴以箕知其情有所呼集但以紙片榜其門云衛追某人期某日某時到追者卽持所榜趨衛毋後甯民感之紀其事於石以爲後來者鑒

蘇心逸福建莆田人康熙四十年任西甯監收通判廉明慈惠紓閭閻之疾困恤商民之橫徵約束胥役不甚寬亦不過嚴青海蒙古王公出入境內咸接以禮故內外欣然無事蒞任十二年卒於官郡民刊碑以頌

甘肅新通志

卷六十一

職官志

循卓下

三

屈章山字文翰陝西同州府蒲城人由進士歷任四川銅梁山西交城縣政績昭著所在皆建生祠性峻直不附上意遂左遷西甯教授抵任振興學務訓迪有方學以躬行實踐爲歸歷湟八載士習丕變卒於官西碾士子建祠刊碑以頌其德

冷文煒山東萊州府膠城人由副貢考取景山官學教習期滿以知縣揀發甘肅歷署秦安兩當安定靖遠等縣知縣旋以大計卓異補授山丹縣尋調皋蘭乾隆四十九年委署西甯縣事抵任清積訟決疑獄節浮費罷徭役諸政次第舉行復創設湟中書院捐貲以助膏火朝夕討論德行道藝並進歲未周而士風丕變陞任去士民之服教沐恩者迄今猶追慕不置

莊俊元字印潭福建泉州晉江人由翰林道光二十三年補西甯知府抵任興學勸農弭盜修橋善政迭興西碾居民控爭水道四十餘年未決俊元勘明界限咸欽服息訟夷番擾邊稟請制軍派員查辦夷番懷畏繳賊獻賊洮州番酋戕殺土司拒捕抗官俊元隨都統達洪阿勦辦七日克之巴燕戎回番械鬪波及漢民稟請大加懲創未允其請遂告病旋里今沿邊耆老猶頌其德
柏師震字紹西靖遠人由進士改就教職咸豐五年任西甯教授學問淵博經術湛深崖岸自立不趨時尚訓課士子以經史爲根柢督責甚嚴沐教澤者指不勝屈後因靖遠失守全家殉難憂勞卒於任

朱應元字慎齋浙江嘉興府秀水人由翰林轉掌雲南道監察御史咸豐元年授慶陽知府同治元年調署西甯時撒回擾邊朝

甘肅新通志

卷六十一

職官志 循卓下

三

廷簡派大臣沈兆霖代理督務駐碾勦辦明年逆回馬文義馬桂元等圍困郡城應元練團守禦賊聞之懼惜爲畏事者沮遂致城圍莫解鄉民薪米斷絕死亡枕藉應元率民登陴巡守冽寒枵腹無敢怨者旋丁憂解任因道梗主講湟中書院課士不少懈後卒

省垣

愛 新漢軍鑲白旗人同治七年任西甯筆帖式時回氛正熾新挈家丁冒險赴任行抵皋蘭之東古城突遇賊被執不屈死之事聞贈知府銜

龍錫慶字仁陔湖南安化縣舉人由主事改外職同治九年陝西巡撫劉典保薦 簡派辦理成信軍營務兼運糧賑墾有功統義營副四營十一年奉左宗棠檄編綴定兩軍隨統帥劉錦棠征逆回馬桂元等攻破賊壘斬馘無算城圍遂解湟郡悉平旋署西甯

知府凡濬渠開墾勸農興學立善堂施棺木修忠節兩祠刻四書五經立尊經書局皆殫精竭慮悉心籌畫而其大快人心者逆回祁元治馬守中馬起雲爲逆首馬桂元心腹荼毒生靈錫慶立柱斃之又籠斃馬世中王來哇及漢奸孫正娃保全民命期年去任漢回攀轅遮留泣涕送之餘詳大吏傳

宋昇平字東軒湖北漢陽人光緒二十三年知碾伯縣事以實心行實政士民戴之

黃仁治湖南人同治癸酉知大通縣事值湟中兵燹後地方凋敝民氣未蘇仁治辦善後策咸就理著名逆酋江湖三馬福壽蘇有成等尙盤踞爲民害悉設法除去之而民始安枕旋安插災黎十餘萬計口授田俾不失所復捐俸倡修書院一設義塾五進子弟之俊秀者教之自是農業耕士向學期滿去任士民攀轅泣送如

甘肅新通志

卷六十一

職官志 循卓下

三

失慈父母然

楊潮曾字淮川秦安副貢同治癸酉任大通訓導當兵燹後文教未興潮曾因公推主崇山書院講席課士有方士亦知奮從學者頗眾嘗建議於巽方築壁補風水自是人才日出彬彬然有詩禮之風

賈 勛字岐庸江蘇人光緒八年以治能調署大通一以振興學校培養人才爲事末期月化行俗易兼擅折獄才民間幾於無訟時有逆回馮福壽由福建配所逃歸將謀亂勛立捕獲置於法並先後擒誅犯搶之馬保元趙麻鄉老柳毛頭子等而盜賊從此斂跡至今士民謳思

樓汝濟浙江仁和人敏幹有經濟光緒閒宰大通察回變將作豫繕軍械儲倉穀修城隍甫就緒已值瓜期接替者到任未彌月而

城同果叛幸戰守具皆豫備城獲保全人始服汝濟神

甘時化湖南人同治六年貴德城克復後任廳同知在任五年重修文廟培植士林建修衙署辦理善後無擾無驚百廢俱舉與情愛戴

圖勒炳阿蒙古鑲黃旗人由哈密印房筆帖式道光閒擢任丹噶爾同知禮士愛民抑強扶弱兩關修柵城中鑿井丹民實利賴之迄今六十餘年相傳爲好官第一

蕭肇基順天大興縣監生道光二十九年任丹噶爾同知捐貲生息以惠孤貧

彭衍堂廣東陸豐縣人由監生以才具明幹保同知道光三十年任丹噶爾同知 欽差琦善勦辦雲河紅帽爾番族大兵到境差徭嚴急衍堂多方調劑軍需無缺丹民多受庇廕卒於官

甘肅新通志

卷六十一

職官志 循卓下

三

李秉鈞直隸蔚州拔貢咸豐閒兩任丹噶爾同知愛民如子實心任事每遇上差不擾百姓

章桂文浙江歸安縣監生咸豐四年任丹噶爾同知興利除弊吏民懷畏

達 昌蒙古鑲黃旗監生官筆帖式咸豐八年任丹噶爾同知辦理安插入族番子事皆就緒邊隅肅清

呂際韶陝西咸甯人由舉人咸豐十年任丹噶爾同知會撤匪蠢動卽飭紳民開辦城鄉團練卒能有備無患

富 亮咸豐十一年任丹噶爾同治二年回匪猖獗奉檄設立防堵團局四月撤回圍城身先士卒竭力捍衛復飛飭各鄉練勇協同擊賊卒保孤城四年隨西甯道鍾某進省至平番縣屬漫水灘花豹嘴地方突遇賊被擒罵賊不屈與鍾某同遇害

李海裕雲南昆明縣監生同治三年任丹噶爾同知辦理團練撫治有方設立粥廠救活難民無算

劉肇瑞廣西臨桂縣監生同治十年任貴德同知兼署丹噶爾同知振刷精神辦理團練指揮團勇堵禦有法陝匪卒未入境

蔣順章湖南瀏陽縣人由軍功歷保同知同治十一年任丹噶爾同知兵燹後丹地凋殘瘡痍滿目諸事待理順章設學立倉百廢俱舉撫字有方

杜世勛浙江仁和縣人光緒三年任丹噶爾同知辦理義學社倉法皆完善足垂久遠

王恩海順天宛平縣人光緒七年由陝西孝義同知調丹噶爾同知果斷有威站斃劇賊數人地方爲之惕然

盧洞清湖南甯鄉人由附生投効楚軍歷保同知光緒九年署丹噶爾同知廉靜不擾與民相安卒於任

袁昌鶚湖南長沙人由俊秀歷保直隸州光緒十年署丹噶爾同知潔己愛民不愧厥職卒於官

張暉暘四川灌縣人由軍功以同知候選光緒十一年補丹噶爾同知前後兩任善政最多興學課士文風丕變嚴法緝盜閭閻安謐裁釐局省冗費定界碑息民爭清街道禁污穢燭奸如神吏民懷畏其他如洋商支款買毛幾同陷并暉暘嚴爲厲禁民困以蘇迄今丹民頌德

歐陽樂清湖南甯鄉縣人由監生歷保同知光緒十四年任丹噶爾同知廉介有操惠政卓著士民懷之

承 緒蒙古鑲黃旗繙繹生員理藩院筆帖式以軍功歷保同知光緒十八年補丹噶爾同知抵任和平樂易與民相安逆回擾亂

緒會同營弁築礮修堡練團防禦賊懼不敢入境湟中回匪麇集
哆吧各帥督湘甘諸軍以羽檄屢催助饟緒力抗之卒免擾累某
役隸公而兼爲盜緒廉得籠斃之遐邇肅清

黃翰章雲南寶甯縣人以軍功歷保知州光緒二十三年任丹噶
爾同知仁慈爲政不名一錢吏民安之

王堯儒湖北黃陂縣人由舉人大挑知縣光緒二十六年署丹噶
爾同知時營弁驕橫虐民實甚堯儒痛懲之而營弁斂迹丹地婦
女守貞殉節者雖蒙 旌表未邀祀事堯儒創建節義祠以勵風
化

涼州府

漢王 雍永平初東平王蒼開東閣延英班固奏說蒼曰涼州從事
王雍躬卞嚴之節文之以術藝為諸州冠宜及閣府以慰遠方蒼
納之

鄭 眾開封人永平中遷武威太守謹修邊備虜不敢犯

馮 豹杜陵人肅宗時拜河西副校尉和帝初數言邊事奏置戍
已校尉城郭諸國復率舊職遷武威太守視事三年河西禰之

孟 雲章帝元和二年冬南單于戰北匈奴於涿邪山斬獲而還
雲為武威太守上言套部前既和親南部復往掠將北單于謂漢
欺宜還南所掠以慰之廷論不協帝從雲議

魏母邱與河東聞喜人黃初中為武威太守時河內遐邇喪亂彌久
武威當諸郡道路喉轄之要加民夷雜處數有兵難與內撫吏民

甘肅新通志

卷六十一

職官志 循卓下

三

外懷羌胡卒使柔附以功封高陽鄉侯

晉索 泮字德林敦煌人好學有佐世才涼張天錫用為冠軍記室
參軍後為武威太守政務寬和戎夏懷惠既而拜別駕其弟菱亦
有雋才仕天錫為執法中郎

南北朝尉 聿字成興性耿介明帝時為武衛將軍時領軍元義執
權百僚莫不加敬聿獨長揖不拜出為涼州刺史涼州緋色為天
下最義送綾二千匹令染聿拒不受義諷御史劾之驛徵至京覆
無狀還任卒

是云寶為涼州刺史賜爵郡公世宗時吐谷渾來侵沒於陣

崔 說原名士約為涼州刺史涖政強毅百姓畏之後封安平縣
公建德四年卒謚曰莊

隋楊 爽文帝弟封衛王為涼州總管治甚有聲

唐路嗣恭三原人始名劍客由蕭關合連徙神烏及姑臧合考績爲天下最明皇以爲可嗣漢魯恭因賜名焉

明喻 禮江南人永樂間任永昌指揮僉事勇敢有爲號稱能吏脫脫卜花永昌衛土軍永樂八年發土達兀馬兒沙等謀叛賊執其妻子掠其財畜卜花不爲情屈自刎死上嘉其忠以子好帖木兒任本衛鎮撫賜襲並恤其家孫朵兒只正統間賜姓趙歷任指揮僉事

馬 駿河南人永樂間任永昌指揮使撫兵恤民境內以安

劉 傑成化時由世襲指揮僉事爲衛守備時邊衛不興文教詔令國子生分發各衛傑從弟璽臨洮佳士學使聘至開館延生儒數百人互相觀摩鎮邑文風日見振興

宋 忠直隸人任永昌都指揮僉事宣德正統間多營造績

甘肅新通志

卷六十一

職官志 循卓下

三

呂 渭河南人萬曆間掌本衛軍政勤敏練達

國朝傅樹崇河南人出進士雍正間任武威知縣性豁達捷於判斷力除戶婚田產諸陋習公餘課士多所裨益後遷柳湖水利廳邢碩輔字亮工順天大興歲貢由國子教習雍正間任涼州府忠厚愷悌百姓懷之

鄭松齡直隸豐潤歲貢由武威知縣陞任涼州府有幹濟才精政治吏胥莫敢欺

梁 彬直隸人由廕生乾隆間任涼州府執法嚴明懲治匪類無敢犯者後調蘭州士民每切去思

歐陽永祺廣西人由拔貢任涼州府吏治精勤先宮武威知縣素有惠政及涖郡示儉約四條率屬捐俸增修試號立社倉勸捐備荒檄五屬置流養所以惠流離孤貧後調平涼士民攀轅流涕絡

繹數十里

陳才芳字春亭陝西漢中人任涼州府知府勤政愛民躬課蠶桑招徠蘇杭匠工設機於署教民以縑絲紡織之法利益日興整頓書院學規人文蔚起

沈 晨浙江仁和人由進士任武威興紡織之利邑民感德立祠祀之

蘇文炳字黼臣四川新甯人由進士任武威縣受知左宗棠政尙慈惠樂善好施

劉篤生江南人順治六年由武進士授鎮番衛守備豁免荒糧勸民開墾鎮人至今賴之

王三華四川資陽人任鎮番參將康熙元年建築城樓修葺陞垣城患沙淤督民運移沙患以平生平善恤兵民恩威並濟每遇孤

甘肅新通志

卷六十一

職官志 循卓下

三

貧輒推解弗吝邑人頌之

張我興鎮番衛教授康熙二年同邑紳捐修 文廟學宮人咸稱爲幹才焉

張宏亮直隸保定人任鎮番衛守備康熙間捐修衛署 文廟學宮義行卓著

童 振京衛人康熙間授鎮番衛守備增修衛署採囊不吝

陳宏訓江南潁州人鎮番衛經歷好士愛民不矜苛察革除倉糧陋規設法賑濟流亡老年致仕邑民頌德

楊 惺山西人任鎮番衛參將愛恤士卒凡有益於軍民者力任之去官時老幼皆遮道挽留焉

林 芳浙江人任鎮番衛千總寬仁簡易士民感戴微比草束不事繁刑民無逋欠

朱俊江西人任鎮番衛守備爲政寬厚不事更張重學校輕刑
法士民安之

金黎相江南人由武舉任鎮番衛守備立法平允不自尊嚴而人
咸起敬民有訟者輒勸諭之地方賴以安謐

洪灝江西人由武進士任鎮番衛守備爛雅好文訓練之暇嘗
延接諸生捐俸以資膏火義學之設自灝始餘亦多所創建云

張能第四川人由進士乾隆間任鎮番知縣學問深純蒞治沈毅
王賜均字一齋陝西人由舉人乾隆四十七年選授鎮番知縣宅
心仁恕政務寬和募金修書院捐貲助膏火尤多惠政歷陞甯夏
知府

文楠四川人以進士乾隆五十一年兩任鎮番與水利躬親勘
驗相地置坪計糧均水咸得其宜嗣詳定漢蒙界址百姓耕牧得

甘肅新通志

卷六十一

職官志

循卓下

三

以不擾

張若采字子白江蘇人沈厚有遠識博學工詩嘉慶五年以名進
士選授鎮番持法明允勤於公務尤善鼓勵人材嗣陞涇州直隸
知州

張景彥字容菴陝西人由舉人嘉慶間任鎮番教諭課士循循有
序先品行而後文藝士習丕振

齊正訓字竹溪直隸人由進士嘉慶間以刑部主事改鎮番知縣
興利除弊體恤周詳蒞官數載未嘗稍事鞭扑而賦課絕無遺欠
尤注重學校文人學士多所造就三年政成以卓薦去老幼皆泣
送之嗣陞循化同知擢雲南普洱府知府

李師唐河南人由舉人以知州嘉慶間署鎮番廉敏有威奸頑讐
服建崇文社捐助應試貲士林德之

周兆錦字古漁直隸大興人嘉慶庚辰進士翰林院庶吉士道光十九年選授鎮番知縣愛民如子利弊悉除尤注意人才造就良多暇則講習討論循循如師友然士民德之爲樹頌德碑李燕林字杏南直隸天津縣人道光三十年由舉人選授鎮番知縣至咸豐四年凡三蒞任沈厚有遠略工詩文精書法爲治持大體不矜苛察暇輒留心學務集士子講論經史恂恂與諸生等尤注重水利屢以河流泛溢築隄開渠躬親督役不辭勞瘁卒於官吏民感德建祠祀之

黃昶字暘谷江西臨川人同治七年署鎮番知縣廉惠有威人不敢干以私甫下車卽剪除豪猾時值回變供役浩繁客兵悍將輒騷擾昶挺身保衛閭閻得以安堵大河潰決躬親查勘督役開改民享水利數十年解任後建祠尸祝

甘肅新通志

卷六十一

職官志 循卓下

美

汪渠字偉齋湖南善化人光緒八年由舉人選授鎮番知縣善屬文精書法甫下車問民疾苦首以興學靖盜爲要務有犯必懲恩威並濟課試士子優給膏獎鄉試獲售者多出其門鎮邑自兵燹後文社空存渠諭令學紳經商以息資或繼以廉俸繼之又捐廉設義塾俾無力讀書者皆得有所造就嗣以瓜期及代無計挽留闔邑士民製救時甘雨之額以誌

汪志備仁和貢生任永昌知縣勤敏通達事無留滯雍正辛亥請廣學額尤善治獄輿情甚洽

鄭鐸山右人由進士蒞任永昌閱五春秋寬厚廉明刑清訟理學問淵博足爲後學津梁多所師承去之日老幼泣送勒石以銘李登瀛字仙洲陝西人由舉人補永昌知縣蒞任四載卓著政聲不加鞭笞而通糧輸納如額尤善治獄常爲鄰封決獄靡不渙然

其他均分渠水增置膏火回匪叛亂設法調護尤能備盡心力
李炳文直隸人由舉人乾隆間任永昌知縣謹遵成憲不事更張
洩任十年無疵可指

解秉智直隸人由進士乾隆間任永昌知縣仁厚愛民善政最多
郭昌泰山西人由拔貢乾隆間任永昌知縣捐俸倡建雲川書院
士林感之

白鍾麟山西人由優貢乾隆間任永昌知縣威懾豪滑修舉廢墜
邑民呼爲白青天

奇 明 湖洲鑲白旗人乾隆間任永昌知縣廉明仁厚愛民如子
去官之日老幼塞途涕泣送之

林昂霄福建人乾隆間任永昌知縣才足理劇事不避難與蒙古
勘定昌甯湖暨平泉等處界百姓耕牧得以不擾

甘肅新通志

卷六十一

職官志 循卓下

三

劉付俊江西人由舉人乾隆間任永昌知縣性嗜學公餘課士不
振文風

上官可觀陝西人由舉人乾隆間任永昌教授精堪輿善培風脈
城北置學田

周泰元江南人由舉人乾隆間任永昌知縣適西征諸路兵過境
籌應有方民無擾害

唐元善江蘇人由監生嘉慶間任永昌知縣有政聲

萬方貞江西人由監生道光間任永昌知縣公正廉明材能卓著
史國璋山西人由進士咸豐初任永昌知縣多惠政邑民德之

趙長庚直隸人由附貢生咸豐間署任永昌推誠待民洞悉閭閻
疾苦每遇歲旱徒步禱雨卽歌沾足夫惟積誠以感所由如響斯
應也

郭雲青咸豐間任永昌縣知縣籌畫城防勞績最著復督民勇追賊於西石門口奪獲牛馬羊隻六千餘頭賊懼而退

裕 凱滿洲正黃旗人由監生成豐間任永昌典史緝盜安民地方賴之邑民頌德不忘

李廷輔四川人由監生同治初署永昌知縣回匪猖獗廷輔捐廉雇覓獵戶保衛閭閻畢盡心力

劉元績同治間任永昌知縣時兵荒四起民不聊生而防城之勇復爲民害元績力請裁撤易以他勇又請停捐輸以紓民力去之日老幼如失怙恃

劉亨柱福建人由舉人光緒間任永昌知縣寬厚廉能且善聽訟每代鄰封決疑獄靡不迎刃而解請除民間供支車馬百姓感之洎任十年卒於官

甘肅新道志

卷六十一

職官志

循卓下

三

崔建績任古浪守禦所慈惠愛民當軍需旁午善爲撫綏不誤公亦不病民並請開學邑人德之

徐思靖乾隆間任古浪令創建義學倡捐社倉革輓輸供支之弊迄今百有餘年民猶利賴

陳佳瑛嘉慶間任古浪令創建書院籌助膏火不惜廉俸文風丕振士子頌德

李 焜道光間任古浪令興養設教敦俗勸農皆以身先之創興文社籌士子鄉會試貲首捐千金勸捐千有餘金紳民感激爲立生祠

顧 衷貴州人同治間任古浪令時回變賊虜集城垣危殆表率眾登陴防守弗懈加以年荒癘疫餓殍滿道客軍復勒捐糧饑民不堪苦衷捐廉賑濟爭減捐輸爲民請命事平善後教養兼施邑

民以循良頌德之

周良玉光緒閒任古浪令催科撫字嚴以濟寬聽訟省刑威而有德詳請豁免差徭邑民永獲其安蒞任數年倉盈獄空大計以卓異保薦

易策謙光緒閒署古浪令時河湟回變波及甘涼謙練兵防禦境土保全至其催科撫字訟獄刑罰諸端無不悉協機宜邑民德之楊宸謨光緒閒署古浪令嚴保甲清戶口培植書院禁除訟棍刑賞無偏風俗丕變尤明於折獄歷年訟案數月訊結上官倚重葉中浙江人由進士任平番令首重教育端正士習蒞任以來創建書院捐助膏火惠澤及於多士平邑文風丕振於茲

左秉忠字少愚安徽人同治閒任平番令時賊勢洶洶夜突登垣民驚亂爭出城忠攀門闌叱民登陴且以拳石擊城樓鐘召衆手皆破裂衆登城擊賊復命邑紳縋城請救內外夾攻賊始退城獲無恙後邑人感念奉主名宦祠

甘州府

漢郭忠昭帝時為張掖太守兼屬國都尉元鳳三年單于使犁汗王窺邊天子詔邊警備未幾右賢王犁汗王以四千騎自日勒烏蘭番和入寇忠發兵射殺犁汗王大破之得脫者數百人自是匈奴不敢犯張掖忠以功封成安侯

蕭咸字仲為蘭陵人望之子也初為好時令遷張掖太守有政績數增秩賜金後復為中郎將官至大司農

魏崔遊上黨人魏末出為氏池長有惠政

明藍臺字輝夕河南光州人由貢士任鞏昌府同知兼監紀甘州軍事崇禎末流賊陷甘州臺與巡撫林日瑞等同死之福王時贈太僕寺少卿國朝乾隆四十一年賜諡節愍

國朝黎士宏康熙十年任甘州監收同知前明蕭藩有王丁百餘名以

甘肅新通志

卷六十一

職官志 循卓下

卑

其歲額入於王府至是荒絕之際存者不及十人而科徵之數悉仍其舊士宏憫之議請革除慈諒有聲甘人頌之

馮慶曾山西代州進士雍正元年任甘州監收同知時值新城之變甘州戒嚴鎮兵悉出從征武庫一空慶曾乃倡捐鉅貲鳩工置械練民兵以固封守仁公有威衛所戴之

張坦議湖廣漢陽人雍正三年任甘州知府甫至以執法無私盟於城隍神懸鑑大門外民有訴訟者使鳴鑼則坦議立出召訊剖決如流又嘗建義學以作士氣時府治新設凡百草創而坦議為作法之始地方便之後以憂去

馮祖悅山西代州進士雍正八年知甘州府事廉直有聲創建甘泉書院訓課生徒加意培植甘之人文自是日上

李元英奉天正藍旗人官甘肅按察使乾隆七年因審失命案降

補甘州知府矜嚴無阿善釐奸竇當官執憲上下肅然時宰給軍餉規以青稞代麥將弁徇之而元英力持不可宿弊一清尋調守蘭州軍民空城往送既出郊村民請代舁者元英許乃舁以歸環圍泣留比夜以計給之元英去而村民猶在署中

劉鶴鳴直隸定州人乾隆十九年由河州知州陞署甘州府事辦理過往軍需最稱明幹

劉斯和字雪峰河南郊縣人由進士歷知山西渾源遼忻及甘肅秦州等州所至有聲乾隆二十三年擢甘州知府時值軍需旁午斯和調度協宜歷任三載軍民愛戴

沈元輝字二峰河南祥符舉人乾隆三十年由揚州水利同知擢知甘州府旋調省城審理讞案曾隨護總督和其衷勘訊合水聚衆毆役要案元輝平反得情剖決明敏及莅任力請減除張掖荒

甘肅新通志

卷六十一

職官志 循卓下

聖

鹹地畝糧草以蘇民困民德之

鍾賡起字邁亭浙江長興舉人乾隆三十七年由山東河工同知陞授甘州府甘郡向無志書賡起至多方採訪悉心編纂閱七載書始成

李廷桂陝西甘泉人雍正八年由拔貢知張掖縣有能聲均水利建義學購腴田百三十畝以贍貧士士林悅服立碑以誌之

朱元裕浙江海甯歲貢乾隆八年知張掖縣仁明廉幹馭吏有方偶一凱法者元裕即杖於市以恥之由是吏役畏服民皆向化每遇貧民恆爲周給衣食慈祥愷悌久著政聲

王廷贊奉天甯遠人乾隆二十二年由東樂縣丞擢張掖令振興學校不辭勞瘁邑舊設書院傾圮已久廷贊乃於甘泉廟東大擴地基督工重建並捐廉置產永爲諸生肄業之資迨廷贊重來斯

土復構三臺閣爽心亭及翫書樓鋤經堂等處規模益加宏敞延師課士文教蔚興

張若瀛字春堂安徽桐城人乾隆三十年署張掖縣縣境黑河水勢洶湧附近田畝歲有冲坍且多鹹鹼不堪種植民苦於完糧者久矣若瀛共勘得地三百八十餘頃請於總督上疏全數豁免百姓稱之

凌鑽高直隸大興人官州同同治間權東樂縣丞八年十月以事赴涼郡二十一日聞賊竄東樂率隨役暨獵勇三十餘人兼程馳歸行抵甲子墩與賊遇鑽高揮勇力鬪發槍斃賊數人賊嚮集環攻勇役死傷過半鑽高奮力衝殺潰圍出不數武賊追擊之罹重傷死事 聞議卹如例

李壽芝字苻仙湖南長沙廩生光緒十年知張掖縣以清直稱創修饒得書院捐廉生息資諸生膏火選穎秀士讀書衙舍朝夕講貫孜孜不怠去後士林感激立生祠祀之

萬邦英字德峰貴州獨山進士乾隆四十四年由崇信調知山丹縣居官仁慈重修 聖廟值逆回之變大吏檄各縣運草民苦道路難支邦英以一言求罷民感其惠製錦祝之曰撫字心勞劉孟魁陝西白水人乾隆四十八年知山丹縣法令嚴明恩威並著洎任三載盜弭民安賢聲載道

明 福滿洲正藍旗人乾隆五十六年任山丹縣廣墾荒田民食漸裕修 文廟建書院增學糧作育人材文風蔚起

朱 超江蘇荆溪人嘉慶五年知山丹縣精通堪輿於縣署東南空地疏設翰墨池以培風脈自是英才接踵科第連綿

黎建三廣西平南進士嘉慶六年知山丹縣潔己愛民栽樹株修

甘肅新通志

卷六十一

職官志 循卓下

聖

河壩振興學校教育人材去之日士民攀轅泣送

党行義陝西武功人嘉慶六年由舉人任山丹教諭敦本重倫明理復性教士先品行而後文藝士子爭師事之文風漸振著有四書會要

顏廷彥貴州遵義進士嘉慶二十五年任山丹知縣創建仙隄書院捐俸六百緡又勸紳庶捐資得一千五百緡發商生息以資生童膏獎邑人咸以廉能稱之

黃 璟山西平定舉人道光七年知山丹縣旌揚節義鼓勵民風捐廉設義學十所購書籍數十種以培寒畯又墾荒田歲收其入爲諸生鄉試之資至其修縣志建社倉裁革徭役釐訂水利章程尤彰彰可考者士民懷其德義勒石名宦祠

徐辰告字葆田浙江進士咸豐閒任山丹令興利除害訟理政平

甘肅新通志

卷六十一

職官志

循卓下

聖

時有盜匪劫掠鄉村辰告練民團嚴守禦捐廉獎勵惟日孜孜無知者竟謗爲喜事擾民及辰告去團練遂廢而劫盜橫行人始服其先見至今婦孺猶呼爲徐青天云

俞時衡字平甫江蘇金山人同治閒知山丹縣時大軍出關合民間捐輸羊毛時衡慨念民艱嘗代爲完納羣黎戴德咸頌之曰萬家生佛

胡鈞學字研堂湖南湘鄉進士光緒元年知山丹縣目覩瘡痍心切撫字於學校尤加意焉文社舊存公款兵燹之餘胥歸烏有鈞學捐廉首倡設立典肆權子母以作延師獎士之資

宋昇平字東軒湖北漢陽附生光緒二十一年知山丹縣時河湟回變昇平指揮守禦晝夜巡防城賴以全至其聽訟持平興學校以課生徒政行化洽去後邑人猶思之

高沅字蘭亭奉天鑲黃旗人乾隆二十三年由山東東昌知府降調撫彝通判甫蒞任值歲歉沅即請帑修城署葺倉廩以工代賑又捐貲築平川橋設義學置兵房邑人感德爲立慈惠愛民坊於城南以頌之

何貴孚山東荷澤附貢生道光三年任撫彝通判勤民事愛士興學創建蓼泉書院選邑之英俊親督訓課捐廉優獎一時成就甚多文教之興實由貴孚基之也至今百數十年士民思慕不忘孫承弼漢軍正白旗附貢生同治十一年任撫彝通判先是逆回踞肅州各營進勦兵勇往往擾害地方凌虐居民承弼蒞任後捐修傳舍預備酒餼勸以溫言曉以大義雖獷犇悍卒罔不帖服民賴以安又嘗改建書院選儲英才延師訓課暇則親爲講授士林尤德之

甘肅新通志

卷六十一

職官志

循卓下

器

賈元濤字松埏山東濟南進士以即用知縣補皋蘭光緒三年調署撫彝通判時兵革之餘民多流移元濤設法安撫給牛種興水利勸農桑凋瘵遺民賴以復業者甚衆民咸頌之

肅州直隸州

漢戴宏字元襄濟北剛縣人吳祐遷膠東侯相時宏父為縣丞宏從在舍祐每行圍嘗聞諷誦之音奇而厚之遂與為友卒成儒宗知名東夏官至酒泉太守

許揚字偉君汝南平輿人少好術數仕為郎稍遷酒泉都尉王莽篡棄官變姓名為巫醫後助太守鄧晨興鴻卻陂民賴其利圖形畫像皆祭祀之

竺曾光武建武元年竄融據河西自稱五郡大將以曾為酒泉太守及融決策東向乃共砥礪兵馬光武西征隗囂融率曾等會高平後封助義侯

段彭明帝永平十八年車師叛與匈奴共圍耿恭詔酒泉太守段彭將兵救之彭討擊車師大破之於交河城

甘肅新通志

卷六十一

職官志 循卓下

星

晉李嵩隴西人初為效穀令後為沙州刺史西涼公詳見志餘

唐公孫武達京兆櫟陽人貞觀初為肅州刺史突厥入寇謀南趨吐谷渾武達以精兵二千人與戰敵稍卻復殊死鬪薄之張掖河潛令上流渡兵俟虜半渡乃兩岸夾擊斬溺略盡璽書勞之遷右監門將軍

明曹贊任肅州衛千戶本衛城旱地千餘頃贊於洪武二十七年創開溝渠引河水灌溉居人咸獲其利至今賴之

國朝余繼誠

籍貫

道光九年任肅州牧清廉正直卓有政績

李 諤字鏡湖直隸滿城進士道光二十年任肅州牧明斷有經濟豫察城回將亂修城製械募練勇為先事豫防計衆恃以無恐張 敘陝西郃陽進士咸豐七年權肅州篆涖任未旬日西羌出南山搶掠敘請總兵發兵擊寇不許敘憤單騎馳至清水堡諭集

堡民數百人親率往山口至則賊已飽掠遠颺追之不及旋歸往去

徐辰告字葆田浙江山陰進士咸豐九年除知肅州留心民瘼時營兵多老羸且缺餼建議抽釐助之以贍兵衛民卒得請行

嚴逢禱字小廬江西雩都人以庫大使需次甘肅同治三年權王子肅州同已得代矣四年二月二十五日獵戶回叛肅城陷安肅道恆齡戰死州牧陳某陷於賊某總兵亦繼城遁官民死者不可勝計逢禱集團丁百餘令從己殺賊瀕行謂其妻祁氏曰此行勝夫若婦尚可復聚設敗奈何祁泣數行下曰君舍死報國妾當舍死報君請一死以絕君念遂先自刎逢禱不暇棺殮覆以蘆蓆率民勇出戰敗績死之家人等亦飲毒投井以殉得徒徐楊文保作雙節歌紀之有齊名中饋有佳耦夫爲忠臣妻烈婦之句

甘肅新通志

卷六十一

職官志

循卓下

吳

沈 楷浙江歸安人原任敦煌知縣玉田子也同治中候選典史奉差赴肅州守提盤礪回匪陷城楷與弟榕隨前署安肅道恆齡巷戰捐軀羅山縣典史沈玉衡妻徐楷叔母也時亦寓肅城聞變卽仰藥自盡事平經肅州紳士彙稟請卹奉 旨均旌表
賀靈秀字小仙山西永甯人同治四年官肅州吏目卹篆未行回變作率勇守巡道署遂及於難

李元嘉字迪人湖南平江廩生由軍功保知府同治四年二月肅州陷十月元嘉奉檄權州事駐金塔堡時大兵未集賊勢方張元嘉率從者二十餘騎會賊於城北河壩橋逆酋藍積珍馬交祿率馬步千餘來從者相顧失色元嘉舉止從容不少動見二酋曉以大義二酋請定撫約立手草給之仍不就撫復向元嘉索糧抗不允以威脅之不懼屢以單騎入賊壘賊亦不敢加害卹篆仍守金

塔賊挾署道竇型至金塔謀賺門入元嘉執劍守門不納賊計不行城獲全去之日父老泣送留履以志遺愛

管 笙字少樵安徽霍邱人歷署平番文縣成縣長於判斷循聲卓著署階州以克復州城功 賞花翎並同知銜補靈臺署高臺時成祿擁兵縣境勒令民間輸糧滋擾百端笙爲民請命成祿怒立捕縣印並咨藩司嚴札飭交卸後仍佐後任辦理捐輸不兩月村民公懇緩繳糧石觸成祿怒誣士民叛勦洗一空笙回省面白制府左宗棠宗棠 奏參成祿引笙爲證請暫行革職一並交刑部審訊笙在部對質十九次侃侃直陳歷證成祿妄殺百姓實情卒抵成祿於罪以此忤當道意亦革職後宗棠統師出關調笙隨營笙辭歸旋丁母憂服闋尋終里第

巴哈布內務府漢軍正黃旗人以縣丞發甘署高臺毛目丞同治

五年十一月西甯回句撒拉悍回掠高臺各寨十二月初三日麇集毛目之雙樹屯巴哈布憤甚率衆馳入賊中左右橫擊賊死傷纍纍渡河西奔巴哈布入署勞民團而遣之歸賊聞民團既散十一日復至營兒街分股直入時夜半民勇猝不能集巴哈布謂其僕李泰曰吾忝膺職守理無倖生爾久居此悉徑路可導吾兄速行其兄涕泣不忍去屢促之乃逃已而賊入署巴哈布厲聲罵賊賊怒殺之幕友劉某亦殉毛目民死者男女百數十人越日賊退泰還得巴哈布屍於沙礫中遍體刃傷事 聞優卹如例

曾廣嶽字東山廣東嘉應州人同治九年以府經歷發甘署毛目縣丞毛目與肅州毗連盜匿山壑間潛出劫殺廣嶽行保甲法始少安十年十一月回賊破附近之下屯莊廣嶽馳援賊已颺去十二月初四日賊由上屯莊間道將竄萬軍渠廣嶽分兵駐鄰村防

堵而自率練勇數十與賊戰賊大敗廣寤曰賊出沒無定不窮追
師朝退寇且夕至遂乘勝逐至黃號屯谷邃徑狹賊憑險反鬪團
衆潰廣嶽力戰受刀傷三槍丸中額血被面創甚不能行賊僞爲
民勇狀昇廣嶽至城下給守者令啟關迎官入廣嶽呼曰昇我者
賊也我死不足惜奈全城蒼赤何勿啟關賊愕視委之去既而父
老昇之入偃卧牀簣越三日卒民感泣爲祠祀之

安西直隸州

漢崔不意濟南人元封六年爲漁澤尉教民力田以勤效得穀因卽
漁澤障立縣名爲效穀

裴 遵光武時爲敦煌太守建武七年賜莎車王賢西域都護印
綬遵上言夷狄不可假以大權又令諸國失望詔乃收還印綬更
賜賢以大將軍印綬

甘 英爲定遠侯班超掾時超既定西域五十餘國納質內屬其
條支安息蒙奇兜勒四萬里外皆重譯貢獻於是遣英窮臨西海
自前世所不至山經所未詳一切山川氣節物類人風莫不備寫
情形傳其珍怪焉

曹 宗安帝時爲敦煌太守元初六年西域諸國旣絕於漢北匈
奴復以兵威收屬之常爲邊寇宗患之遣長史索班將千餘人屯
伊吾以招撫之於是車師前王及鄯善王復降

張 璠安帝時爲敦煌太守北匈奴與車師寇河西議者欲閉玉
門陽關絕其患璠陳三策大抵言西域不可棄之意乃以班勇將
兵五百人屯柳中

張 副順帝時爲敦煌太守永建二年西域皆服惟焉耆王元孟
未降班勇奏攻之乃遣朗將河西四郡兵與班勇發諸國兵兩道
擊之朗先期至曾離關元孟乞降朗入受降而還

徐 由敦煌太守順帝永建四年于闐王放前殺拘彌王興自立
其子爲拘彌王由上疏求討之帝赦于闐罪令立拘彌後放前不
肯陽嘉元年由遣護勒王巨槃發二萬人擊于闐破之斬首數百
級放兵大掠更立宗人成國爲拘彌王而還

趙 咨字文楚東郡人延熹元年舉至孝遷博士累遷敦煌太守

以病免還躬率子孫耕農以養

晉吾 彥吳郡吳人爲敦煌太守威恩甚著

黃 斌成帝時爲張駿參軍議欲嚴刑峻制衆咸以爲不可斌進曰法制所以經綸邦國篤俗齊物既立必行若尊者犯令則法不可行矣駿屏几改容曰夫法惟上行制無高下且微黃君吾不聞過矣黃君可謂忠之至也擢爲敦煌太守

楊 宣張駿時爲沙州刺史率衆經理西域時焉耆王會襲滅龜茲據其國使其子熙在本國爲王遂霸西域葱嶺以東莫不率服宣以部將張植爲前鋒軍次其國進屯鐵門未至十餘里熙伏兵遮留谷植擊敗之進據尉犁熙遂降

北魏申 徽字世義魏郡人先是元康爲沙州刺史劉彥殺康而奪其位魏不能討因以爲刺史屢徵不至大統十一年宇文泰以徽

甘肅新通志

卷六十一

職官志

循卓下

卒

爲河西大使密令圖彥徽以五十騎行既至止於賓館彥入謁徽執之因宣詔慰諭吏民且云大軍續至城中無敢動者

韋 瑱杜陵人恭帝三年除瓜州刺史州通西域蕃夷往來前後刺史多受賂遺胡寇犯邊又莫能禦瑱雅性清儉兼有武略蕃夷賄遺一無所受胡人畏威不敢爲寇公私安靜夷夏懷之

唐賈師順岐州人爲長樂令吐蕃悉諾邏陷瓜州弁兵攻城遣人夜見師順曰州已失守孤城詎可久不早降以全噍類乎師順曰我受天子命守此義不可下數日又求賂於師順師順請脫士卒衣襦悉諾邏知無有乃撤營去師順開門收器械復完守備吐蕃果還襲見有備乃去

張義潮本沙州首領大中時吐蕃衰亂陰結豪傑歸唐一日衆擐甲謀州門漢人皆助之虜守者驚走遂攝州事繕甲兵且耕且戰

使其兄義澤領部校十餘輩皆操槌內表其中東北走天德城防禦使者齎詔收慰先擢沙州防禦使升爲歸義軍節度使遂發兵略定其旁瓜伊西甘肅蘭鄯河岷廓等十州之地咸通中復歸涼州歸唐八年入朝爲右神武統軍賜第及田命族子惟深守歸義十三年卒

元劉好禮至元十七年爲吉刺言思憾合納謙益蘭等州斷事官乃於沙州修倉庫置傳舍以爲治所西北諸國始相臣服

國朝曾希孔順天宛平縣人由舉人教習期滿以知縣分發甘肅補合水縣知縣乾隆二十四年調敦煌時始由衛改縣甫下車首興學校建書院置諸生膏火又以敦煌赴陝西鄉試路遠捐廉俸發商生息三年計其所餘給諸生卷資路費士子至今頌之勸農耕種不違其時訟獄衰息胥吏不擾旋以秩滿署循化同知士民爲之

甘肅新通志

卷六十一

職官志 循卓下

至

建祠

彭以懋字勉之四川華陽縣人由舉人揀選知縣補肅州州同乾隆五十三年調敦煌值歲荒民多逋欠救荒有政催科撫字曲盡其法民漸就豐重修書院添諸生膏火設立義學俸貧賤子弟皆得讀書聞有七八歲尙未就傳者必呵責其父兄踰年餘郊廟壇壝以次創建每歲孟春飭令每戶樹木勸婦女紡織勞者勸逸者懲民戴之如父母五年俸滿以年老致仕歸里去之日攀轅卧轍老幼皆爲之感泣邑人立祠祝之

黃廷紱字曙樓江西崇仁縣人由監生遵例捐知縣分發甘肅嘉慶十四年委署敦煌縣精吏治善培養人才時敦煌書院束脩膏火蕩然無存即自捐廉俸以次勸捐共得一千餘金發商生息嚴立條規俾守勿壞生童至今賴之

朱鳳翔字小梧貴州開泰縣人由拔貢以知縣分發甘肅補渭源縣嘉慶十八年調敦煌天資明敏工詩文徵收糧草設法勸納不忍加以桡楊每逢春種督民疏濬河渠分水務持其平俾民不起爭端暇時與諸生講學邑士素不工詩至是始學聲韻皆出於所教也

魏邦彥字載田河南光山縣人嘉慶壬戌進士由翰林庶吉士改銓甯遠縣知縣二十二年調敦煌性仁厚下車之日即以學校爲先務增立義學捐廉千餘金疏南山之水引入黨河灌溉民田邦彥去任淤塞如故邑人至今感之

李 灝字海觀雲南景東廳人道光乙未進士以知縣發甘肅遷安西直隸州牧同治二年攝敦煌縣事解任後辦肅州糧臺四年二月州城陷灝手然大礮轟賊迨守礮兵逃灝猶手執火繩立礮

甘肅新通志

卷六十一

職官志 循卓下

五

側嗣道署火起乃回寓至門則妻劉氏及僕范升李貴趙貴王升劉貴王榮共一十三名皆自焚死灝正思自裁適獵戶回葉甲曳之至其家則夫婦羅拜稱恩官問故則任安西時平反冤獄曾受灝恩者也跪進飲食不受曰我雖無官守究係命官無苟活理爾速殺我葉夫婦不忍送至州署雲峯閣朝夕供給不食死葉夫婦具棺殮之葬州倉後

沈玉田浙江歸安人任敦煌縣興利除弊吏畏民懷卒後邑紳稟請入祀名宦嗣因回亂未果行其遺澤父老猶能言之

喻炎丙湖南人任敦煌縣甫到任即議振興學校確查書院膏火自兵燹後拖欠甚多酌量裁汰去虛存實又捐麥百石爲膏火資及賓興各費士子爲製匾額以頌德

于 銓四川華陽人入貲得知縣發甘肅同治二年十一月署玉

門縣時關內外皆不靖銓至修戰守縣屬及鄰境難民之避亂者日以千計銓慮栖食無所爲設數廠栖給以衣食四年二月奉安肅道恆齡調至肅二十四五日肅屬獵戶回叛及肅城奸回起應並陷州城銓率民團隨恆齡力戰死事 聞議卹如例是時妻劉氏猶僑居玉門慟銓死慨然慕木蘭之爲人出簪珥備軍械儲芻糧選廠民得精壯千餘人編左右翼收肅州逃兵暨民團又千餘人爲一營訓練之以討逆回爲夫報仇屢立戰功至今談銓事者恆豔稱之以爲銓不愧死劉不愧生云

崔 賜字時霖順天大興人以大挑發甘肅授崇信令歷署碾伯玉門諸縣有政聲同治三年調王子莊州同時賊氛西逼各郡縣戒嚴賜以積勞致疾卒

